

NAMIBIA SENIOR SECONDARY CERTIFICATE

FIRST LANGUAGE RUKWANGALI ORDINARY LEVEL 4108/3

PAPER 3 Literature

2 hours

Marks 60

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **three** questions, **one** from Section A **Poetry**, **one** from Section B **Prose** and **one** from Section C **Drama**. Of the three answers, **one** must be an essay.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimbururo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru wokusovagana ndi zonsovagani.
- Wa ha ruganesa yikwamema yokudongwenesa.
- Limburura mapuro **gatatu limwe** moRuha A **Unongotango**, **limwe** moRuha B **Etjangopuru** ntani **limwe** moRuha C **Udano**. Mogo malimbururo gatatu, **limwe** po lya hepa kukara lyesansekototo.
- Pakera mbili esipero, yidivisoresseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

RUHA A: UNONGOTANGO

Limburura mo epuro **limwe** tupu moruha oru.

1 Rupupo Rokupupira: J. K. Kloppers

Resa mutango ogo konhi makura o limburure mapuro gana kukwama ko.

Vili zonombungururu

Tareni keguru vili
'Zi zonombungururu'
Tazi sanseke mosili
Yiruwo yomasiku.

Zopomuhowo tazi tanta' si:
Kalyamurarero!
Vhulika keraka lyazo
Wa ha hulilira ko

Nsene evambero kuzera
toototo nokinteli,
Ponyoka nombili tupu
Yido nye vanomeni

Didilika muraravili
Omu vagu tanauka,
Pokuuvukilira kourundu
Tadi taura nongura.

Ose simpe monompofu
Tazi tanta ntunguru:
Pinduka sikondomboro
Nomasiku gana pu!

(D. Nakare)

- (a) Fwaturura asi mulyo musinke gwa kara momusunda gokuhova momutango ogu? 'Tareni keguru vili'. [2]
- (b) Fwaturura omu mutangi ga ruganesa nombungururu di horore yiruwo yomasiku. [6]
- (c) Ogu mutango kwa hageka pankedi zongwa ndi zondona? Pameka elimbururo lyoge. [4]
- (d) Gwana mauzera omu mutangi ga tu zeresera elizuvho lyendi kuhamena site sonombungururu mositanza zoutatu. [3]
- (e) Ngapi omu ga huguvaresa mutangi varesi yipo va vhure kukwama siruwo sonombungururu mositanza souvali. [3]
- (f) Omu ono kugazara mbungururu ezi Ntunguru yisi za karera mulyo unene momutango ogu? [2]

[20]

2 Nonkangotango Dounongotango: P. S. Koita

Resa mutango ogo konhi makura o limburure mapuro gana kukwama ko.

Ame na diva

Sinzi setu nani nkara detu
Kwetu ose vamwe sitetu
Sitambo sa tu pira
Kulironga yiyo twa diva

Vakurona vetu kwa tu hara
Gazara tupu omu ava tu tara
Nomutjima dawo nadingye mwetu
Kuvagwana asi: Vana vetu!

Vakurona kuna kundindira
Awo vana huguvara
Komungura munwetu murongi
Vamwe asi: Nampili mohongi.

Kututangera ko asi ugova
Kutuvyukisa ko ose kuguva
Kulironga kapi twa hara
Yeeyi tupu atu tara.

Ame na diva nawa-nawa
Asi kulironga nani kuwa
Na vhura gwina ga hana sitambo
Ga kara ngongombe mohambo

Mutango ogu kuna kara mo malisigo, eyi vana kundindira vakurona kovana ntani vana omu ava limburura vakurona. Tjanga nye esanseko omu ono kudemenena koukaro ou va kara nawo vakurona kovana vawo ntani omu vana hara vana vawo va ka kare komungura. Gwana mbatero momutango.

Nonkango di sike ko- **250 – 300**.

[20]

RUHA B: ETJANGOPURU

Limburura mo epuro **limwe** tupu moruha oru.

3 Kutetuka: W. Sikerete

Kulinyenga apa ga wizire, ezuva lyomuhowo kwa mu tanterere asi a pwagese ponze nonkaku dendi tadi nuka monzugo, nye age kapi ga zuvhire kukora momutjima, morwa mousili ga uyungire Kutetuka, ano naina kupi ko oku zina kutundilira ezi mpepo zondona? Simwe tupu asi, ogu Kulinyenga ga diva unene Kutetuka nonkedi dendi omu da fana kupitakana omu ga mu diva age, morwa Kutetuka kwa gendera pomapepe gaKulinyenga.

- (a) Apa ono resa kantokorwa oko keguru kugweda ko nayimwe eyi wa resa mombapira ezi ngapi omu no tjangurura ukaro waKutetuka? [5]
- (b) Mokukwama mbapira ezi singonona mparukiso zaMatumbo? [5]
- (c) Kutetuka kuvhura omu tjangwilire ngomuntu gonyanya ga hana mutjimankenda, ngapi omu no vhura kukwatesa ko asi, omu sili yimo ga mu simwitira mutjangi. Gwana makwatesoko goyihorokwa eyi mombapira. [5]
- (d) Gava nonkareso omu mutjangi ga kambadara kuhakura malizuvho goge kwaKutetuka kweyi ya ka mu horokerere kehagero lyesanseko eli. [5]
- [20]

NDI**4 Sirenga: D Nakare**

Mombapira ezi kwa simwitira mo kuhamena ehara, mfudu ntani nomfa. Ano ehara nkenye apa ku kara nonkondo kupitakana mfudu. To kwatesa ko siturwa po oso ndi?

Tompwera nye magano goge morupe rwesanseko, ano demenene kweyi yina ku kwama ko.

- Nomfa daSihetekera
- Yitundwamo yompanguro

Nonkango doge di sike ko- **250 – 300**.

[20]

RUHA C: UDANO

Limburura mo epuro **limwe** tupu moruha oru.

5 Kotokeni zaHaitano: D . Nakare

Mitili : (tava zoro naHaitana) Ani ove mumati, nongombe yikorama! Kapi da diva asi Koto ana zi kosure, tu mu ndindire!

Haitana : Pita nye komeho tu ze! Tava roroka kutundindira!

Mitili : Tanko muswamane, tani ka pwagesa vanona name tu ya zeni kumwe! Na hara ni ka purakene omu vana ka yi uyunga!

Haitana : (Ana tjira vekembo) Mitili, nye kapi nava ka ninka asi, nyame na ya ku zigida?

Mitili : Va ka ninke tupu! Ogo munona kosure zange ana wiza. Yiko ana kuza!

(OHaitana naMitili tava pitisa Koto gwawo komeho, tava ya siki membo. Nangura nage ana dumbuka. Apa ana mono Mitili tava wiza naHaitana naKoto, ngwendi a tauke kehandu! Poku ya damwina Mitili sipundi, Nangura tupu ana kuserauka yendi!)

Haitana : (kwamukadendi ninka mu ka likunde ko naMitiri! (Nangura teete!)

- (a) Omu ono kugazara mutjangi yisi ga tangaukira Kotokeni unene mombapira ezi? [2]
- (b) Haitana kwa kere noruhafo pokumona Koto vana mu tumu kosure. Yinke ga karere nelizuvho lyehafo? [5]
- (c) Fwaturura /Singonona yihorokwa eyi ya tumangedere Mitili a ka dingure epata lyaHaitana. [5]
- (d) Tompwera momunene asi Mitili ngapi omu ga vaterere epata lyaHaitana? [5]
- (e) Udano ou kehagero ngapi omu wa ka likida esikisomo lyetokomeno lyeyi ga here Kotokeni? [3]

[20]**NDI**

6 Eparu iyawo: P. S. Koita

Mokukwama mombapira/udano ou vantu womoKavango ngava hepa kepangero lyomutondi/lyoupika. Tompwera mo momunene nkareso pokatji kepangero lyoukatongotongo ntani novatungi womoKavango, kuhamesera omu va tulisire po veta ntani omu ngava papara nombudi momambo.

Nonkango doge di sike ko- **250 – 300**.

[20]

BLANK PAGE

BLANK PAGE